


啓雋類函

躰逆 九十四之五



漢書門類		一一四〇〇號	八二函	四架	四冊
------	--	--------	-----	----	----


庫文閣内			漢書
一一四〇〇	八二	四	漢書
三六四	六	八	類
函	架	冊	類

庫文閣内	
番號	漢11400
冊數	48 (46)
函號	364 52



縦じ部(喉部分)の文字など開きが不鮮明な箇所あり





啓雋近體卷九十四

類函一百六

東吳俞安期羨長彙編

上饒王嗣經曰常同輯

建武鄧漢遠遊訂定

縣僚部

縣丞

以下及薄尉俱暗分前後

賀寧國趙縣丞啓

宋李廷忠

燕臺上客價重千金偃室賤官祿輕五斗惟傾蓋相逢而適願雖執鞭爲御而不辭敢以片言將其寸意恭惟某官學深根柢文富菁華一氣造天而本同是生龍種三月遡河而直上遂脫魚群既取名于年少



之場宜振步于日邊之路獨廉於進莫鬯所施卻列  
鳧之行而對兩松佳哉此志絆良驥之足而求千里  
難矣其功眷言帝子之名都素稱幕府之多士來光  
樽俎增重磐維挹爽氣以自高翔華聲而彌遠紅蓮  
之依綠水婉畫有聞丹鳳之上赤霄壯圖孰禦其志  
存絜矩識昧圓機鄭廣文豈出羲皇誤蒙汲引孟公  
綽不可勝薛強使撫摩技有五祗覺易窮課第六安  
能自脫竊喜渠渠之廣厦方開秩秩之初筵與大國  
英俊之遊信難攀附糾後曹怠慢之政終幸寬容舞  
手之餘濡毫罔旣

上郭贊府啓

唐駱賓王

側聞樞精嘯谷韻清籟於驚蕙震德升乾鑿玄枝而  
布族雖涸鱗濡沫終缺望于鯨潭而沃羽槍榆頗思  
遷於鶯樹伏惟某官瓊階疊秀積珠構於三龍玉幹  
驚華睥瑤林於八桂仙飛有道榮河泛高尚之舟德  
驗通神靈策洞幽冥之境產耶谿而濯質霜鐘廓豐  
匪之姿孕鍾嶺而飛華虹玉絢荆巖之氣松秋表勁  
翊頰霞而挿標菊晚馳芳涵清露而疑沼鑿懸龍鏡  
朗逸照於咸陽韻入鳧鍾驚洪音於長樂心源泛藻  
控鼉磬以朝宗情岳披蓮掩龜岑而作鎮惠牛耀辨



驚荀鶴于談藂揚鳳摛文詠鄒龍於筆海故得佐銅  
章於磬渚側扇文鯤之風貳黑綬於桐郊潛誘祥鸞  
之化絃揮單父弼清韻於稽琴乳狎中牟翊馴羣於  
潘雉加以筵賓致驛接士式間採援芻微邁欽賢於  
司隸提獎幽滯軼取俊於淳于其甕牖輕生席門賤  
品幸得參名比屋悅康衢以自娛預迹耕夫欣日出  
而知作且以家傳素業弋書林而騁志少奉庭訓馳  
文圃以游魂至於縹卷青箱頗側探其奧旨竹書石  
記亦幽求於異源雖未能響徹帝門聲馳宰府而頗  
亦見推里閭譽浹鄉閭方今銀箭躔秋金壺應節吮

墨翅足希造杖于一枝味道彈冠望橫經而重席不  
量庸昧竊冀揚庭伏乞恩波暫垂廻盼倘使陳留逸  
調下採柯亭之篠會稽陰德流眷餘裕之蔡則廻眸  
之報不獨著于前龜清亮之音詎專聞于往笛雖滄  
溟遠量敢不媿于牛涔而嵩岱洪恩終憐酬于蟻穴  
輕瀆視聽戰戰誠深猥躋階庭兢惶交集

通寧鄉陳縣丞啓

宋李 劉

武功之丞簡靖久矣沐芳臨邑之簿卑棲茲焉假蔭  
敢以尺書之敬進於再拜之先恭惟某官遠抱甚都  
壯猷孔碩清明志氣胸中風月之無邊沈浸文章筆



下源泉之不竭蓋徑要津之立顧淹贊邑之留鳳凰  
自下而升高聊復爾耳雁鶩鉗左而摘右端使然哉  
雙陸之勢無休九萬之程斯下其崎嶇副墨漫浪勾  
朱士安得自高妄欲比隣之託余方有公事願聞掃  
漑之吟

通善化盧縣丞啓

宋李 劉

請隣祭竈不知枳棘之棲越俎代庖定匪竹松之對  
懷哉解去賢者鼎來請從臭味之同試論踐更之代  
恭惟某官胸蟠萬卷學綜九流人見千佛之姓名者  
垂涎者追知一第之溷子百其摘領然惟其具大受少

規模故不辭小官於州縣九年考績再轉為丞亟辭  
禹穴之雲煙來尉湘江之草木守經据古寧肯破崖  
岸而為文騰實飛聲會即登瀛洲而入直某非據而  
據時行則行顛倒衣裳公豈憐于李下簸揚糠粃我  
真媿于盧前幸叱馭而疾驅即裹車而送上子生孫  
孫生子且強負于交承余負丞丞負余姑別容於權

請署印郭邑丞啓

明杜承基

榮垂墨綬寅恭協贊于一堂寵署銅章歌頌歡騰于  
兩邑專城沾澤隣壤借光某官學富五車文輝萬丈  
童貢水流雙澗誕生一代偉人雖雄劍起五雲並擅



二難芳譽多峰佐令尹天賦才猷史水標清貞碑傳  
黃白當途薦剡兩地握符沈波暫借寇主之恩印石  
權開大賢之路明而且愛肅以生威操凜玉壺永私  
室公門似水政比金莖露窮鄉遂谷如春循良深頌  
夫明時卓犖遠跨乎屬吏閭閻按堵士庶勸功出入  
常勞戴星蓬車未蒙賜教謹消七辰之吉少申積悃  
之私望郭汲以賁臨俾迓兒曹竹馬喜林宗于親炙  
實逾河上仙舟統冀肯來曷勝榮藉

請廣濟冷丞啓

明瞿九思

山城接近黃州赤壁數千里奚囊白雪四三年官舍  
清風理學詞林政聲民頌記昔龍坪之會儼然如故  
非新今茲江漢之場且已登堂問字事誠可述奇不  
徒然狗馬微生重辱遺書加貺篋篋意厚秬餘感德  
鏤衷久積寸心莫由片敬江晴秋九派桂華催發中  
秋林曉月千山葑屋歡迎上客一樽燒燭短細說誠  
明午夜聽更長再談慈受伏惟命駕仰俟和鑿

與李縣丞啓

宋方雲翼

贊府望高聊對藍田之竹閑廳食少坐荒茅屋之苔  
行矣孰瓜斐然削檮恭惟其官筆精墨妙學廣聞多



生於西山之鄉淵源甚遠苦矣南宮之戰精銳不衰  
竟脫白袍遂紆黃綬睠焉樵水邇甚松卿日哦兩松  
之間地僅一嶺之隔官箴霜凜丞政不聾判筆風生  
識誰得噤然以博習寬通之素加之淹翔練歷之深  
鸚表交飛當路爭先于勝彥鴈行平入中朝况用于  
老成宜有裏言俾儀表著其少豪自喜長拙無奇詩  
得浪仙之名非其好也策遭風漢之日泰然安之偶  
不失于家氈詎敢當于教席以嫌不可否丞之設端  
使然哉相與明襟期今而後吾知免矣心之依倚辭  
不究宣

回建陽黃

少公啓

宋 唵 克莊

俶戒行裝榮趨 干次理紅藥碧苔之詠宜屬雅才爲  
老槐鉅竹而來 足知高致方將聯事以修辭恭惟  
某官爽氣橫秋貴名揭日文盟素定布韋敢不心降  
賦草一傳場屋爲之紙貴既擢太常之第盍爲文館  
之遊然猶作吏一行爲丞再轉在君子所養者可謂  
厚矣任人物之責者能無愧乎給札而賦上林會有  
關於薦口草書而招替普行入掌於詞頭某猥以散  
才領此劇處方有曠官之懼欣聞替府之來闕政必  
規君之惠非所敢望也署名惟謹丞之設豈端使然哉



回趙縣丞啓

宋方岳

藍田千竹喜入吟邊揚子一屢適在宇下雖若燕鴻  
之避雅聞笙鶴之音恭惟某官胸有層巒身為磐石  
提筆秋風之戰鵬已疊雙袖笏樵溪之遊鴻方漸陸  
脫或肯排雲而叫閭闔安知不跨海而望蓬萊資歷  
拘之嘆息久矣世豈捨我姑徐徐六月之飛丞不負  
予寧鬱鬱千山之底式遄薦墨不次除編某久臥秋  
崖偶塵壁水開緘見諫議之面三印斜封論文敵開  
府之詩一樽何日有懷注仰無斃戢藏

回丁縣丞啓

宋王邁

命錫芝函權分穀壁雁鷺以行進方驚二尹之威鯉  
魚從遠來忽拜尺書之寵先施倒置函謝反遲恭惟  
某官讀昌黎續經之文生江淹夢筆之地負鄉先生  
之望私淑者多奏子大夫之篇成功則一倒蔗旣逢  
于佳境寒花謄有于晚香俯爲涉筆之遊來贊鳴絃  
之化哦藍田之松而有味紉楚澤之蘭以自馨余不  
負丞丞負余能使花封之重已不即人人即已趣歸  
柳院之班如某其人何庸于世少徒有志文場親被  
于百劄壯不如人宦海纜航于一葦州縣徒勞耳俱  
未免俯仰于人富貴何有哉要相期遠大之業



回海寧陳縣丞啓

携陳司業書來

宋鄭厚

素結魚緘榮生駒谷得楊公司業寄字良慰交情知  
藍田文丞其人皆吾臭味予方問菊君乃哦松幸受  
一廬有光三徑恭惟某官清源望地潁川德星不墜  
家世典刑綽然已試斷無世俗崖岸郁乎可觀正當  
早曠之餘有望廉平之政事鉗紙尾坐照機心遡流  
必會其源克念厥紹下車先求其類取友必端以若  
所為可規遠到某歸田已晚入林頗深濫巾招隱之  
山回轍爭名之府顧能備問定是不凡賦歸去之詞  
亦何暇巾車之命賡來遲之句恨不居竹馬之先聊  
謝先施自愧不敏

回何縣丞啓

宋王邁

出綸楓陛涉筆槐廳頃仕帝京早識三河之風味茲  
遊佛國重陪貳令之吟哦展賀舉遲先施倒置恭惟  
某官人美如玉名重於山鍾淑氣於七公五相之門  
蜚大聲于千英萬俊之藪策勲場屋遂封胡群弟之  
先登對策殿廷皆見董諸賢之忠告倒蔗漸逢佳境  
寒花騰有晚香露政事之一班發文章之三昧金灘  
鷓鴣之舞方爾呈祥藍田雁鷺之行又還寄徑况今  
棣萼正位柏臺諸公推挽之亨途薦墨紛綸平盈篋



已不即人人即已爭願賞音余不負丞丞負余行將  
召擢某平生迂濶與時背馳贊畫京畿自撥中都官  
之怒談經宗校莫逃貴公子之嘲所幸知己之來必  
有相規之益既見君子則喜敬在下風不與執事同  
心有如繳日

回常熟姚縣丞啓

宋孫應時

日於交際嘗欣宿霧之披今也官聯似是德星之聚  
方憂劇邑之難濟何幸贊公之又賢民其有依吾乃  
知免恭惟某官風姿冰玉氣韻芝蘭擅家法之文章  
取世科於談笑當年賈誼已驚漢庭之老生今日退  
之寧愧唐人之博學栖枳未酬於夙志哦松又胥於  
此來鳳凰池之判花會當溷子雁鴦行之摘紙寧又  
負余其中年蚤衰孤迹多懼終日了公家事未免兒  
癡一時皆君子寮則有天相預倚英明之助决無可  
否之嫌白髮春風况有攀輿之共樂青燈夜雨尚蕪  
樽酒之論文

回樂安趙邑丞啓

宋李劉

老驥駸跚猶戀天山之秣名駒奇俊聿追電影之鞭  
幸喜論交過勤執訊恭惟某官近于大雅博以群書  
太白詞章宜有六丁之取更生經術豈無太乙之知



不應賜第之餘復作贊公之試雁鷺平立未妨破崖岸以為文鸞鳳高翔會即央雲霄而布武某為寮有舊辱問相先揣弘景之頭顱歸已晚矣畫嚴丞之手版猶願見之

回桐廬朱縣丞啓

宋李 劉

短啓代庖已忘西施之唐突長牋倒廩尚憐東野之龍鍾一謙之光三復以愧恭惟某官人門濟美風調軼群觀東閣之奇詎當相吏歌南陽之直真足自強試窺千萬琳琅之毫芒豈以八九雲夢而芥蒂對藍田千挺之竹肯負丞哉續桐江一絲之風今召君矣某見賢不敏拜賜何居士廉未識桃椎亟當進謁承叔強差韓愈願勿失言

回寧鄉陳丞啓

宋李 劉

名家勝士自有公言助國舉賢古無私謝枉長牋之委重搔短髮以寘慚恭惟某官千里名駒九苞威鳳大科異等一翁二季之相望茂實英聲七略群書之兼總即謂登瀛洲而給札猶欲破崖岸而為文余不負丞丞負余誰其知者學而優仕仕優學似是兼之無謂我豈要子鄰始為人識亦知吾徒得君重少應時須所愧明陟之童適引暗投之惠其三復墨妙十



襲珍藏儀圖之莫助之更期進德匪報也為好也聊復成章

回宣城張縣丞啓

宋李 劉

厭承明之廬我動歸歎之興題藍田之壁人傳至止之期四六鼎來再三復熟恭惟某官影英華秩簪筆名家再轉為丞坐閱十年之久一鼓作氣會搏萬里之程願膏龍文虎脊之精神靜聽蟲臂鼠肝之造化某自知日薄豈可夜行疲馬之戀君軒已將告老騎驢之到京國猶及語離

回宣仁張縣丞啓

宋李 劉代

升陟一章何能借重謙勤尺牘又復拜嘉其文固是粲然此禮略之可也恭惟某官清餘家法敏有吏材翠竹深林久已觀于停峙老槐古縣茲良費於吟我無俟書來亦當刻入未見分毫之補又勤四六之貽某辭璧未能報瓊又乏樓臺近水奈何秋月之闌干桃李成蹊佇見春風之被拂

回富陽趙縣丞啓

宋李 劉

倚使者之車笑癡兒之來了題承哉之壁聞公子之鼎來未果修辭先勤執訊恭惟某官五潢龍種千里駒材早宣彩棒之威坐獲綠林之賞雁鶩旌行而平



立端使然哉鳳凰自下而升高恐不免矣其強名入  
幕正愧面墻亦縣官曹喜依仁之有幸黃塵衣帽或  
分蔭之自今

回海鹽梁縣丞啓

宋李 劉代

五雉分工近承誤渥雙魚尺素遠仞故情伏惟某官  
拾芥有年哦松何晚翦伐誰能送只令志士之嗟精  
悍無所聞正自可人之意猶借齒牙之餘論見華喉  
舌之納言某似是永曹已承天寵告者過也想以為  
司馬之官行或使之惟當反屠羊之肆

回錢塘趙縣丞啓

宋李 劉

余方有公事興來赤縣之官曹我未免鄉人益愧曰  
頭之幕府有勤執訊敢闕報章恭惟某官卓爾不群  
飄然無敵尋玉清洞中之字已書會計之功展錢塘  
江上之圖更動吟哦之興手版暫煩於畫地觚稜何  
遠於去天某轍鮒孤踪磨牛陳迹喜似人於千里况  
辱託於粉榆雖異事而同寮尚不遺於葑菲

回趙縣丞啓

宋方 岳

漢竹分符屬吏紛之旁午楚泝涉筆欣宗彥之同寅  
蜚檣粲如驅車至止迺瞻瑞麟之秀蓋儀玉鷺之班  
予不負丞丞何負予姑驗松署主固擇客客亦擇主



諒溢薦書其志護本根味均草木我媿元英子矣幸  
山水之相知君非聊復翁耶倘箴規之樂出薄言申  
復切幸丙融

答永豐張丞啓

宋周必大

伏審遠銜王命參治邑民喜動閭閻威行雁鷺恭惟  
某官地望華顯天資雋明再爲丞而處之恬然一得  
召則進也銳矣迫茲暇日及彼同寮緝澹嚴之遺書  
大明家學式隴○之故廬少慰士心非俗吏之能爲  
拾名流而誰望未遑注記先辱示音俯深感愧之懷  
更切瞻承之願

縣簿

賀魏縣簿到任啓

宋劉 率

恭惟某官高標絕俗奧學傳家集知漢世之便宜挺  
有鄭公之風烈高士而爲主簿卑棲咸仰於鳳鸞掾  
曹之作刑官滯訟悉空於狴犴內司玉軸外贊戎昭  
司征聊示於假塗論薦遄聞於溢格願快爭先之觀  
預懷不敏之慚

通寧鄉蔡主簿啓

宋李 劉

望俊躔於淮海知敬儒先問道於洞庭偶從誤後  
貂不足而狗續鴻高舉而燕來及未治任可無執訊



恭惟其官負材鴻碩蕃學駿麗中郎典刑晚亦宜於  
東觀客卿富貴久益見於西秦吾道非耶公等安在  
跨揚州之鶴安得自高麾湘水之交能令公喜方今  
漢庭之老用矣敢問吳會之意何如其志大心勞材  
疏意拙一科不補欲釣鼈而未能五技易窮覺屠龍  
之無用所賴鸞鳳之先戒棲枳何如無謂牛羊之下  
來求芻而止尚托子孫之契欲窮師友之源向來一  
瓣曾南豐苦難並世安知四海習鑿齒不勝讀書

通劉主簿啓

宋戴翼

學製罔功粗喜及瓜之近同寅有幸暫煩棲枳之勞  
未貢柔緘先蒙珍染恭惟其官螺川作者蟾死仙才  
生六一公之鄉邦見推翹楚擅二萬人之場屋允謂  
英竒經國之文色正而芒寒名家之學源深而流遠  
既喜得親傳之衣鉢必能大旌表之門閭雖已父于  
聞風顧何遲于披霧然自奮身于蘭省便當策足于  
蓬山姑小淹記注之才大其器識不憚煩勾稽之職  
撫此凋殘願推平生學道之心共致百里字民之政  
其戴尾無補積日徒勞深嗟民瘼之未蘇政賴官箴  
之相勉天開幸會允諧訪戴之盟日借輝光行有依  
劉之便其爲占謝莫罄願言



與馬主簿啓

宋方雲翼

士得自高何妨矮屋官名獨冷惟有泮宮昉此內交  
斐然通贊恭惟某官天賦甚厚地望素高西京循吏  
之家豈其苗裔本朝倫魁之彥遠矣源流靡須十上  
之勞竟取一科之寵雖曰卑棲於枳棘且欣密接於  
枌榆長欣季智之盛名爭為署剡士聞鑿齒之緒論  
勝似讀書然而官未稱人位不踰德四十為主簿未  
足為淹三人至宰司曾有是比聊爾勾朱而入墨行  
兮遡紫以凌青某習於箕裘腐矣鉛槧少鳴塲屋耻  
為舉子之文晚對殿庭嘗入狂生之目薄言采藻乃  
幸識荆友教人為惟夫于今而後免能令公喜微執  
事吾誰與歸依倚方深敢陳罔竟

答周主簿賀正啓

宋王十朋

行夏之時允協三陽之應履端於始光膺百福之來  
德荷過謙禮蒙倒置某官望隆越絕秀蘊剡溪鵬躍  
天池偉矣周郎之年少鸞棲枳棘蔚然佐覽之才華  
某叨預同年獲依巨庇賦椒花之頌獻雖後於元正  
占茅茹之交亨必同於他日

回王主簿賀冬啓

宋方雲翼

陽回葭室和滿花城喜動太夫人慶板輿之俱至名



聞家主簿紛慶積之爭先宜對剛辰茂膺繁祉恭惟  
某官家傳懿節仕正妙年人言德度之粹温光風霽  
月我見丰標之凝峻寒露清水既候飛葭寧淹棲枳  
某嗜其獨冷慚此先春祭竈而請比隣若為孤我升  
堂而拜壽母惟有羨君亟具稟酬伏幾鑒察

回廬江韓主簿啓

宋李廷忠

討侯萬戶未若識韓荆州讀書十年不如請習主簿  
久聞斯語今見其人恭惟某官才譽有孚德履無媿  
七葉之相門必大三階之帝傳方尊在蛟龍得雲雨  
之時其進孰禦以鸞鳳接枳棘之野所取獨廉想統  
綺之習盡除豈簿書之塵足累聊樹佳政式其達圖  
誰謂君臣相遇之難又見父子並為之美某問學不  
裕功名甚踈鳴絃於積憂之餘濫巾乎思樂之所顧  
小人何其多幸有君子與之同寮殷勤雙鯉之書惠  
然寄意寥落三鱣之席行矣分光懷荷之私面見以

回王主簿啓

宋李廷忠

誦少陵歸田之詩顧廣文之何用作河南同官之記  
惟主簿之可稱公方鼎來僕將解去尚有一日交歡  
之適少慰十年景仰之勤恭惟某官玉潤金相鳳采  
虎文出江左風流之裔卓卓有聞負洛陽年少之才



軒軒獨步脫穎而出操刀是能正應上絕乎雲霓胡  
乃下棲于枳棘曳長裾者皆其後難並俊遊使束帶  
而立於朝佇揚遠業某拙無與比患在好為諸生皆  
得以擲掬要人或為之推挽選坑雖脫荒徑猶存將  
及瓜而亟歸辱行李之未至千里見似人而喜聊得  
同寅十部勝從事之賢先勤慰問報音不敏慚色多

回詹主簿啓

宋李廷忠

效武城為宰之歌夫子必笑誦河南同官之記主簿  
最賢墜患問以先之佩眷情之異甚恭惟某官人流  
清整世閱高華來和鶴鳴之音又屬鸞樓之所沈醅

經史足以替絃歌之化燕嘯樽俎足以洗簿領之塵  
略試緒餘藹聞譽處氣凌霄而身矮屋久此居哉翼  
培風而背青天莫之禦也某在家憂國以仕易農奈  
黃卷無救饑之功假青袍為折腰之具惟西曹能與  
共治雖小邑亦可庇身坐松林而讀書不如一語鑿  
齒對花樹而酌酒豈有衆疾潘安仁喜動於中言宣  
罔既

回趙主簿啓

宋戴翼

光奉綸言榮司簿正古號章江劇邑政資佐理之長  
材公乃仙派英遊幸借勾稽之敏手天畀寅恭之會



日深跂望之懷敬飭慶忱仰酬先辱恭惟某官帝苑一角麟之瑞士林九苞鳳之奇學問得源流太乙吹夜熬之火文章妙機軸天孫織雲錦之裳繇素蘊於茂猷宜亟躋於樞任合直上校讐之府何尚煩管轄之司大才蓋無施而不宜遠到亦自近而後至暫茲棲棘少淹俛覽之鸞行矣蜚英即快爾衡之鶚某儒生不武邑寄奚堪鼠技嗟已五窮駕才豈宜再駕以小夫之自揣舍大賢其疇依欣幸此來預喜蘭金之託扶持厥後全資藥石之規占謝雖勤編摩罔既

回趙主簿啓

宋方岳

麟分夜雪之燈未寒早夢魚素遞春風之訊適近枳棲豈重論疇昔之心喜不隔同年之面恭惟某官聲光如斗氣韻欲仙小奚佩古錦囊吟盡風檣之騷句太乙然青藜杖讀殘寶笈之秘書久已騰淡墨之陣何至試勾朱之最雲深曉殿盍隨鸞鷲之行花動春城式快鸞凰之翥佇頒瑤札儀我銀潢其拙則未除資亦不改弓韜一尉樗櫟之材何堪視老半生壘鹽之味故在抵掌豈甘於俗吏折腰猶迂於世情群然厖吠之信中以蜂蠆之毒官事未易了也無已大癡吾道其果非耶奚為敢愠延覲金蘭之好惠垂玉



苑之規野梅吹江路之香尚須佳晤山雨話爐亭之  
舊重挹清芬

回李主簿啓

宋方岳

青山擁縣有嘉棲枳之鸞綠水護田誰記去家之鶴  
聿來瑤字如見玉人恭惟某官輩行則魯靈光器韻  
則禹神鼎蓋謫仙人之苗裔無敵於詩何飛將軍之  
聲名不侯如故安有學者之北斗屈於進士之南廊  
帝曰嗟哉公等何見晚也仕其漫耳高人亦主簿耶  
第聞鄉曲之誦言少紆里田之愁歎幸無忘於鐵硯  
許重對於金鑿之登政塗厥有故事某起從襍稊幾  
化泥坑釐多病每思故廬曾莫逐畢方之從此曹宜東  
高閣何當低太白之芒乃司金耀之書仍贊主垣之  
畫其誰歸我所欠識公萬戶韓荆州今之眡昔一請  
習鑿齒秋以為期斷金則回報瓊焉有

回黃巖錢主簿啓

宋孫應時

願識韓荆州竊有聞風之素一請習主簿何如聯事  
之榮欣騎氣之鼎來愧函書之先及恭惟某官家傳  
忠孝之烈天與高明之姿政事文章不見全牛之迎  
刃風流醞藉自然野鶴之在群猗四海之幾人當一  
日而千里紛簿書之細故與州縣之徒勞而屈大才



豈厭輿議棘林鸞鳳雖戢翅以卑棲溟海鷗鵬佇搏  
風而直上某一官不效百謫且盈繫謝薄其自知處  
婁涼而何歎願事大夫之賢者以託其身而聞君子  
之至斯云胡不喜

回常熟趙主簿啓

宋孫應時

自笑癡兒不了公家之事新聞高士肯爲簿領之來  
天實借之吾有助矣伏惟某官神明貴胄灑落英姿  
藏萬卷於胸中掃千軍於筆下鶚冲秋漢方自致於  
功名龍翔景雲紀亟蒙於褒表不辭棲枳之陋果趣  
茂瓜之行祭竈請鄰聽嘉音之已近發硎游刃知遠  
業之難量其漫浪平生摧頽多病茲強顏而試劇幸  
聯事之得賢尺素有書便卜寫心於一見寸誠所望  
必無袖手以旁觀

回余主簿啓

宋鄭厚

有來鸞鳳之音聞於空谷不斬鯉魚之惠貽及幽人  
渴方望雲勝於得雨施先及我何以酬君伏惟某官  
壁水名流柯山相種覽德輝于千仞翔而集之訪仙  
隱於三賢今猶古也勿以簿書勾稽之末實主絃歌  
啓發之機羞作彈箏肯羨秋風之一曲緬懷搖鐸未  
忘寒燈之五更肯尋同盟是真臭味某雖未識面已



先知心忝受屢而為氓非公事不造邑楊雄之居甚  
僻問字有誰習公之來可依讀書勝我願見君子罔  
有遐心

回沈主簿啓

宋劉克莊

僕為陋邑敢謂種花君自修門肯來棲枳乃修短贊  
以候先驅恭惟某官性行淑均文理密察周旋公府  
無刀筆之刻深馳騁稅林有燈窓之勤苦遠遊閩嶠  
深厭京塵姑暫主於簿書即入還於省闈其服勞未  
久聯事方新若俗吏之所為非所望也過長官而議  
事倘有意乎

回建陽葉主簿啓

宋陳耆卿

判神京之袂益憶笑談分德田王之符獨慳晤對未辨  
棲鸞之問遽貽京鯉之書敬用銘心不能去手恭惟  
某官鄧林老幹崑嶠素珍入耳聲名邁唐室何蕃之  
傳到頭梯級遲漢廷董子之科惟大器之晚成雖不  
容其何病毋謂一官之躑躅實皆萬里之扶搖勉事  
勾稽薄占經濟某遠攜陋學泔食此邦半月客塵喜  
乍休於行役十年郡俗疑頓改于見聞渴想警規以  
寬曠戾欲請習主簿奈何蹤跡之差池回念鄭廣文  
勿替襟期之傾倒



回武岡黃主簿啓

宋李 劉

深叢見孤罷曾聽阿房之讀遠方遺雙鯉來司臨邑  
之曹可謂聞音而楚然抑訝何見之晚也恭惟其官  
源委深厚波瀾老成穎川第一之功固起甚廉之簿  
江夏無雙之學蓋觀未見之書暫須矮屋以擡頭即  
快要津之策足其固功教胄承乏佐州聳丞尚可送  
迎倘或免督郵之逐短簿能令喜怒何幸同君子察

回江夏范主簿啓

宋李 劉

屈就棘棲榮趨瓜戍漢之廣江之永古稱夏口之雄  
簿如絲訟如糜今敢秋毫之隱方圖贊喜已沐飛牋

恭惟其官翰墨功名填塞學問一門叔父慨然以博  
之登車十萬甲兵喜為幼度而折屐顧就銓曹之調  
俯從簿止之供難為第難為兄正觀競秀能令喜能  
令怒佇即蜚英會躡翻鸚鵡之洲見倚賴巨鼇之鈞  
某一寒寡與三暑投閑頃者綴文石之班不堪教胄  
今茲佐武岡之治正恐負丞所欣楚服之同尚切晉  
波之及修西門種柳之課君必勉之尋南嶽煨芋之  
禪我之懷矣

回蕭主簿啓

宋李 劉

鳳凰千仞不辭棲枳之卑鯉魚尺書見報戍瓜之及



良高陳誼復媿過情伏惟某官心潛寶苑句滿錦囊  
富金淵玉海之藏多篆鼎風檣之作既儒科之峻擢  
何簿領之足淹矮屋檯頭聊復爾耳要津策足由是  
而之某父於知名行矣聯事取青媿白愧修報之弗  
工入墨出朱惟疾驅之是望

回劉主簿到任啓

宋劉宰

祇奉絲綸來司簿領已涓剛日遂振頽風以邑人之  
相爭知公心之有喜伏惟某官西京才子東觀名流  
雖謙謙自牧之卑有挺挺不屈之操顧吾邑勾稽之  
職久墜吏奸非賢者明敏之資曷瘳民瘼然其泊我  
也以始其逢我也以私惟益務於謹微使莫能以授  
閑庶善良有恃不盡折于豪強亦望實孔昭可遂階  
于遠大某未修燕賀先枉魚封何以報之擬效涓埃  
之補可以言矣甫修泓穎之恭不敏懷慙勿罪是望

回張主簿到任啓

宋劉宰

祇奉簡擢來典勾稽籍甚英聲聳於群聽凡在幘幪  
之下同深鼓舞之私伏惟某官文采雲間之世家風  
流天上之公子雖春秋之鼎盛已學術之淵源飛鵬  
九萬里之程足知直上解牛十九年之刃更在善藏  
某百念已空萬事俱懶敬手裁于尺牘以復先施須



躬叩於仞墻尚寬後至自餘衷曲并俟面陳

回林主簿啓

宋危昭德

太守自謂濫叨分竹之榮主簿何如遠致維桑之敬  
欽哉高誼報以何辭伏惟某官鍾圓山漳水之奇似  
芸嶠蓬壺之彥豈應短簿而滯長身日對康廬把酒  
趁勾稽之暇暫游星堰坐曹推贊畫之良莫歎低回  
即觀識擢某皤然一老愧此雙旌既有幸以依仁頃  
復諧於識面驪龍塘畔曾為奇馬之留鸚鵡洲前徒  
結棲鸞之想奉七頌禱畫畫奚殫

回任主簿啓

服闋

宋本 劉

欲見組纓取豈疑于將命興來綠綺彈琴足想于  
成聲望履未先鳴謙何厚恭惟某官諸任望族四蜀  
名家鄉老使與賢能久應定爵主簿能令喜怒晚乃  
棲鸞屬聞纏風木之悲未敢干水薤之教抹蒙袂茸  
屨之餒乃辱協心推纓冠被髮之仁可占用世朝祥  
既御暮召何疑某方欲款門已勤命駕發棠殆不可  
復敢更希馬婦之下車治齊問所以安或可延蓋公  
而避舍







之何勞行矣賜環之在道某濫茲學製媿甚無奇鼠  
技嗟已五窮駑才豈堪再駕方深圖於善後幸欣際  
於同寅多事嬰心全賴闡金之託一緘拜手仰來藥  
石之規占謝雖勤編摩罔既

賀樊縣尉到任啓

宋李廷忠

特拜帝恩初供尉事隱吏逢梅福足知臭味之同冷  
官獨廣文幸託聲光之末恭惟某官卓爾大雅允矣  
老成羅列宿于胸中倒三江于筆下方豹隱南山之  
久韜養愈豐建龍翔宛水之初躋攀獨後雖負少年  
之惟望終知大器之難量聊宣障塞之威要息兵池  
之警河西趨走問賢者亦樂乎海北來歸見公等何  
晚也某又焉慕誼忽此同寅何期十部之最賢光及  
諸侯之下客顧竊吹以無補欲歸耕而未能苔蒲石  
田空負少陵之句月搖金瀨尚陪東野之遊

賀無爲黃縣尉啓

宋李廷忠

恭惟某官韻宇冲融才資清劭出良冶良弓之後家  
學有傳在朝衣朝冠之中賢聲已著梅子真不妨於  
蕭散杜少陵休歎於淒涼雖歲月之少淹實功名之  
自始不免捶楚威行草木之區即解印章步入雲霄  
之路某未能植已何以芸人久懷飯不足之憂忽思



芹可采之樂及期往戍有德為隣老將不候其敢犯  
灞陵之禁孺子可教尚須傳圯上之編報謝之私敷  
陳罔既

通寧鄉李尉啓

宋李 劉

一行作吏祭竈鬼以媚饑同官為僚禱尉仙而徼福  
可無牋記先布姓名恭惟某官機量浚明風猷膚敏  
千里之馬騏驎顧伏鹽車九戩之魚鱗鮪合登廟鼎  
鬱鬱赤墀之志匆匆綵棒之行茅舍之聽雞聲孰非  
公事花村之無犬吠即是民庸人憐橫水之孤舟誰  
識倚天之長劍祭除必爾翹跂俟之某不自力田軛  
謀耕祿家貧親老誠有待于斗升官小職輕亦欲伸  
其尺寸然平生之短朱墨須察友之助丹青尚念卑  
棲難倚掣鼈之釣猶能治浪請陪射鴨之芳

與宋尉啓

宋方雲翼

踐梅子真之職雖更實仙哦鄭廣文之詩何官太冷  
及瓜之戍削牘通名恭惟某官峻閣摩穹清規照世  
名卿顯相赫奕代之旂常河大中郎萃滿門之塵節  
爰自麒麟之墜地共期駒驥之越都胡以錦衣紆於  
黃綬太守加禮曰此聰明尉耶一郡皆驚謂真斷决  
手也然而故國必有喬木思人而况其棠聞諸廟朝



方褒錄世家之後如此人物寧淹留吏隱之間信鷓  
鴻之呈祥亟鴛鸞之就列某為儒而腐以才則踈黃  
卷對聖賢本不作科名之想丹墀陳禮樂當極言權  
倖之非誰令觸諱于轉喉敢歎射眉而中目既與世  
忤反教人為惟桑梓必恭今乃獲瞻于玉樹譬草木  
同味或來共聽於簷花依倚方深揆裁靡竟

與趙尉啓

宋方岳

趣舍人裝隱神仙吏一琴一鶴故有家風八人八龍  
雅聞譽處胡齷刺鱷之手小煩射鴨之弓恭惟其官  
水雪照人風煙滿袍衢故太末也蓋攬爛柯之奇尉  
其真仙乎式瞻喬木之古雖溧水欠孟郊之句顧吳  
門有梅福之書奚事弓刀少迂途轍高眠田里北部  
今無狐狸重爵江山西臺當有鷓鷯其拙於涉世放  
以還山杞未棘而菊未莎吾耕勞只荷為衣今闌為  
佩公望久之得無修容則降既見

與包縣尉啓

宋劉克莊

題名杏苑昔忝年家問戍花村今聯三事方締無窮  
之好敢修不腆之辭恭惟其官曾緒清華品流高勝  
螢牕雪几有寒士之素風塵尾唾壺無貴游之豪態  
人物灑灑不俗翰墨字字有香故宜掇髭而拾青瓊



尚乃頹首而紆黃綬孰謂太平之官府寧為下界之  
神仙某以蕞爾材當壯哉邑明以燭情偽頗覺瞶昏  
敏則集事功顧慚迂緩不待服勤于官府預知傳笑  
于吏民側聞少府之賢矧有通家之契君子不黨寧  
翕翕以徇人同官為寮尚諄諄而告我

迎善化黃縣尉啓

宋人

習委吏之會計正爾卑棲聞飛仙之遨遊超然高隱  
方圖執訊先辱飛牋恭惟某官文獻名流典刑勝士  
為公室輔家夙近於魁三有伯父風學諒求於已百  
顧紆塗轍小試弓刀河西之尉淒涼不常厥邑湖南  
之地清絕幸疾其驅行即交章亟膺刻辟某冥心祭  
竈迫命代庖短主簿髯參軍總無關於喜怒餐落英  
飲墜露願同廣于離騷

回泰和趙尉賀生日啓

宋文天祥

潘岳閑居已覺二毛之見盧仝破屋忽驚三印之來  
為此大小年之光異哉神仙尉之寵錫以難老愛之  
欲生陽春白雪之詞真成寡和流水高山之約安得  
相逢

回丁縣尉賀生辰啓

宋劉克莊

人生七十稀已踐暮遲之景古詩三百首忽聆風雅



之音其華髮生光汗顏拜祝恭惟某官騷壇巨擘藝苑英髦瀏亮精微之文源流諸父嘻笑怒罵之作膾炙一時分張墨客之贖殘假借陳人之枯槁某僅能朗論深愧暗投續禹錫前度看花之詩自嗟老矣誦令威何不學仙之句切有感焉

回李縣尉啓

宋李廷忠

問故家之桃李喜遇亢宗望高隱之雲煙即諧共事先拜記函之貺倍增行橐之光恭惟某官材秀一鄉氣橫九牧統古苞今之學壯欲行之戴仁抱義之儒晚方遇耳惟培養之既厚則發摠之必弘卓有時名父儲天府恩崇拜老宜伯夷自東海而歸道慕登仙故梅福作南昌之隱何窮僻谷之多幸得聰明尉而不凡恐黔突之未幾驚紫泥之忽至某客梁已倦宰費奚堪宿春百里之糧偶逢近地細論一樽之酒正賴同寮况君有摧奸之名而我非摘伏之手力能裨贊政以和平俾河陽一縣之皆花誠可樂者如楚國兩龔之相友豈不佳哉情有至深言莫能究

回王尉啓

宋方岳

飄飄仙吏寧隱窮山冉冉老農有來妙墨彼美雙溪之秀可忘三徑之荒恭惟某官詩書典刑家世文獻



問訊淳熙之相印歲月幾何起分寶婺之天章江山  
故在何意解牛之刃小迂射鴨之弓蓋鷗鵬九萬之  
程始從足下想鷓鴣一雙之瑞已在目中某且然得  
州央矣學圃爾杞爾菊繼今無吠月之驚某水某丘  
誰與共耕雲之樂尚驅健犢快覩匿犀

回張縣尉啓

宋李 劉

瞻海上之槎恨差池于八月取圯下之履望傳授之  
一編袖賤臨之展卷愧甚恭惟某官負材孔碩蓄學  
不貲英英修月之文飄飄凌雲之賦朝華本高于夕  
秀夙知乃墜于暮成入對大廷良負誦書之三篋出  
以遠關尚賢不調之十年况長江素委之詩人豈市  
門可淹于仙吏暫返輕舟於吳會即歸大老於周家  
某甫欲欵門先蒙命駕以霸陵李將軍之老倘不見  
呵則天上張公子之賢敢忘加敬

回劉仙尉啓

宋王 邁

蓮池水綠方為異鄉異客之遊梅市風清喜有同年  
同官之好未辦赫蹠而展慶遽蒙綠綺之貽音某官  
天分本高月評增重世有甘棠之笏家法典刑人如  
濯柳之標風流蘊藉自摘髭而登上第合策足而踐  
華途胡以格拘來為吏隱五色棒定優於巡徼一縣



花必預於栽培早晚好音喜報鷓鴣灘流之瑞權輿  
大用頓增雲龍閥閱之光伏念其讀書不多諧世更  
寡忤時對策方輸黃甲之三籌竊祿養親何補碧油  
之一畫既素無巧官之譜又不為時樣之粧正賴同  
盟時賜忠告州縣徒勞耳俱未免俯仰於人富貴何  
有哉要相期遠大之業

回常孰嘗縣尉啓

宋孫應時

草木吾味占聯事之為榮金玉爾音媿騰緘之先及  
莫酬嘉惠因寫素心伏惟某官挺秀天倪叢芳世烈  
南豐故篋江漢星斗之長存曲阜遺音金石絲竹之  
未泯英風是似遠業可知誰云黃綬之低看即青  
之復某頭顱四十手段尋常不辭治劇之難姑取  
親之便計已大謬悔將奈何賴有賢察肯為我助一  
邑聯事正如同舟之遇風二人同心勿效旁觀之

回朱縣尉啓

宋方岳

傳吳市之隱梅歡然旁午倚魯官而米蕩幸甚同寅  
辱魚腹之遞緘喜馬蹄之壓境占辭已晚有覲謂何  
恭惟某官筆下波瀾之老成胸中丘壑之灑落將軍  
百戰胡為看市人之先鋒兄弟二難頗亦怪大夫之  
後殿黃絹吐辭之絕妙青衫入手而未甘謂當綴天



上星辰之班乃復爲人間神仙之吏鼠輩相目此其  
聰明尉耶鶴陛有言且爲清望官矣其泥古之學肯  
時而馳讀賢于十從事之書知同臭味賦不願萬戶  
侯之句快覩光塵

回王縣尉啓

宋李 劉

題千佛之經夙聞秀豈試五采之棒似屈長材有來  
委翰之勤良動得朋之喜恭惟某官天葩挾藻地芥  
拾科頌聖主之得賢定是雲仍之派移忠臣而爲孝  
固諸風土之宜若爲翰墨之材肯就方刀之役月明  
靜夜應無人吠之聲雲入古廳小寓燕巢之舍東野  
志平淹於射鴨南昌曾見於駮鸞某濫守郡符幸聯王  
事瓊玖匪報永以爲好也聊飭魚緘珠玉將至得無  
修容乎惟占騎氣

回漳浦王縣尉啓

宋危昭德

壺山假道首勤銜袖之投梅隱得賢且報驅車之近  
喜傳手札佇聽足音伏惟某官秀挺風規香浮月殿  
名雖蚤得寧殊山澤之癯儒志不自高何憾東南之  
一尉諒無淹久遂見騫騰某試郡罔功同寅有幸道  
莫大於爲政不論崇卑力有餘則學文尚圖講切



一... 山... 宋... 回...

參容平對古...

類函一百七

東吳俞安期羨長彙編

上饒王嗣經日常同輯

建武鄧漢遠遊訂定

教職部

賀教授初任

賀李教授啓 父子教授

宋王邁

叨名黃甲獲偕名父子以同升備數碧油復有賢師  
儒而親炙盟好出於稠疊官期不相後先巧哉其逢  
喜甚欲舞恭惟某官襟懷湖海師友家庭如蜀三蘇  
交臂授文章之印如吳二范傳心有名節之燈舍選

啓書類函 卷九十五



芬芳科名岌案上駟領渥注之種並轡驅馳威鳳引  
丹穴之雛同聲唱和六館指爲佳話一榜賀得其人  
維時新政之清明妙簡一門之名勝關西夫子方橫  
帝學之經東閣郎君復振京庠之鐸師無異道文有  
齊盟不惟授諸生以場屋速化之方抑將起俗學于  
節義久頹之後涵養呂韓之相業發揮班馬之史才  
如其其人何庸于世自一第之入手積百憂之熏心  
既不及親何樂一行作吏蚤知有命悔不十年讀書  
遲爲蓮幕之遊已覺瓜期之過如聞哲匠來董泮宮  
衆方怨滯心其行謂有樞趨之便固知涇渭清濁之異  
所喜草木臭味之同於同年亦有情乎願追騏驎恐  
先生自此升矣不顧蟾蜍

賀台州高教授啓

宋陳耆卿

顯奉塗芝榮司采藻越王山上仰文星炳爛之光劉  
郎洞邊有教雨沈濃之潤雖闕茸未諧于鳳觀而掀  
昂已想于鳶飛敬以寸忱陳之尺剡某官精神灑  
咳唾春秋疇昔飛鳴在賈誼見稱之歲是何濡滯倍  
釋之不調之年雖久屈而伸者斯道之常然以退爲  
進者君子之學有孤風特操故能歲寒而栢後凋有  
隆寬太和故若水流而心不競迫險阻艱難之歷盡



乃功名富貴之鼎來勿謂冷官猶勝俗吏矧此邦號  
學者之冀北而得師乃儒流之指南喚起惰偷挽回  
醇雅佩衿晨八青青亂和璵之雲燈火夜陳耿耿映  
棲樓之月斯文有立吾道自尊只虞促召于老成不  
使久安于恬適某已疲文織頗悟道耕鞭志螢窓甚  
欲尾前修之故縱程鵬海則已為餘子所先命壓頭  
其柰何笑視舌而徒在幸昔日黃堂之獎予乃累年  
絳帳之故知拔之布韋畀以領袖雖公論尚蒙于見  
錄而私懷祇極于自怜幸有宗工為之真鏡韓魏公  
之知永叔或比以昌黎而無疑陳後山之德南豐雖  
更遇東坡而莫奪永言祈向不既編摩

賀王教授啓

宋王叔珪

槐市聞風未識元魯山之眉宇蘭陵取友欣傳鄭博  
士之才名瞻際非遙夤緣甚幸恭惟某官莊鵬奮翮  
崑玉疑姿蜚學海之英拔穎每先於多士廣詞場之  
勇奪標迨遍於諸科暫分泮水之芹即造昕庭之鷺  
某濫丞支郡無補縣官愛莫助之方深憂於王事吾  
知晚矣將得見於善人矧先十部之臨益重寸心之  
感



主其  
文  
主其

賀王廣文啓

明萬世德

率征旅于新田愧乏芝英之異望采芹于故國敬申  
栢葉之將已回和氣于綢緼共領春風之披拂恭惟  
某官學有淵源範高芥藻一官獨冷曾致詠于鄭虔  
四境交歡皆依歸于曾鞏喜春旌之簇仗瞻講席以  
橫經絃歌近滿城盡屬朋來游夏讀書喧兩廡但知  
吾道義皇某一領价藩兩年都護磨崖草檄慚無衛  
霍之勲名說禮敦詩尚尋孔顏之樂處摘詞甚俚東  
帛如戔膏雨惠風益聳松筠之晚節光天化日即看  
桃李之新蹊



賀葉廣文啓

明諸葛昇

恭惟某官望峻斗山評高月旦冲和風度總天地之  
純全典雅文章洞聖賢之秘奧夜雨簷花爭傳妙句  
春風堦藥獨想清標鱣集吉祥少駐木天之軌鳳宣  
綸煥旋脂寶瑟之車鄭郊仁庇猶依魯泮恩波正湛  
兒童采藻久莫答千椽垂驛使寄梅聊附將于李報  
所有燕賀尚俟鳧飛不盡寅忱悉冀丙鑒

賀誕辰 回賀附

賀廣文壽啓

明唐堯欽

化逢時雨方興負笈之思瑞應長庚欣際垂弧之日  
官墻生色隣壁增輝恭惟某官以吾道儒宗為文章  
盟主希音在桑濮之外大羹出蘋藻之間天不棄渾  
俾友天下善士而先之鄉國子盍歸曾將裁吾黨小  
子而約之中行遂借範模重煩陶鑄紅鑪點雪喜蠹  
簡之猶新赤練升天慶函臺之初度况茲綈袍先施  
之雅不忘衿佩故舊之情媿也余之不文但有南豐  
一瓣香之獻猗歟公有令聞庶幾大椿八千歲之長



賀趙五雲博士生日啓

明瞿九思

服德淵渟毓靈岳峙抽文建藻燁世傾倫豈徒標群  
秀駕三十六峰實已紹孤聲後五百餘歲祥呈本代  
壽啓詰朝芝盖虹軒爛然接踵星巾霞斃燦矣如雲  
霓裳奏發于上池綠水歌翻于下座棗英桃實桂液  
松醕錯雜盈庭翩翻遞舞白晷合南金之吉士朱顏  
應南極之星精慶喜靡涯歡欣無量其義在同袍心  
懸異域自今伊始賀朝廷之有重臣由茲而來觀宇  
宙之開名世細數閉關之草樹媿少三花繹思瀉意  
之詩歌莫如三祝兒曹此日尊俎方同賓客何人簪

裾畢會舉觴東獻遙稱東海之杯引領南瞻但比南  
山之頌辭陳懇到意結飛揚

回方教授賀壽啓

明陸應川

男子桑弧方動蓼莪之感外孫壘曰遠蒙華袞之褒  
圭復再三珍藏什襲恭惟某官胸次水清毫端泉湧  
雖多識王翰李邕知名之士然尚記王戎阮籍忘年  
之交時製新腔遂成故事君如許邵得無累月日之  
評僕匪郢人愧莫和陽春之唱第知感激虛負襟期  
南有箕北有斗常嘆二曜之乘除愈為雲郊為龍安  
得四方而追逐區區報謝縷縷費詞



平美匪程入野莫命則亦之即其所以為也其負新  
之交却與蘇劉為姑事古收信宿持無累日日之  
之文却與蘇劉為姑事古收信宿持無累日日之  
之文却與蘇劉為姑事古收信宿持無累日日之  
之文却與蘇劉為姑事古收信宿持無累日日之  
之文却與蘇劉為姑事古收信宿持無累日日之

賀令節 回答附

賀教授年啓

宋方岳

春皇撫宇宙幸新五鳳之元霽色滿乾坤誕輯三鱣  
之瑞雲醅簇管香沁椒盤恭惟某官發括山煙雨之  
奇浥石門洞天之秀捕龍蛇搏虎豹駭觀昌黎奇怪  
之文騎麒麟翳鳳凰雅有周公太平之略倚歟紫綉  
美彼青規某遙溯匿犀敢忘傳鯉先生自此升矣春  
浮柏葉之觴館下立而誨之雲麗槐陰之市東冊所  
屬楮素奚殫

答程教授賀正啓

宋方岳



歲在作噩天開用九之乾正于孟陬春洽內三之泰  
聿來墨詔起我筆峰恭惟某官有秘書前無虛名下  
騎長鱷而訪白將薄遊芹水之官駕飛鳳以凌清瞳  
徑上芸香之閣橫經何日用易一元某雲臥草亭風  
傳椒頌千金裘五花馬莫酬樽酒之細論尺素書雙  
鯉魚但愧故人之遠意

回學職士人啓

宋李 劉

杓攜龍角魁枕參維氣轉鴻鈞歲躔益部其在藻芹  
之秀聿觀茅茹之連恭惟某人文艷春葩香浮秋桂  
百步楊葉不難鷓鴣之穿三月桃花即看鷓鴣之化  
不負旦評之望即先天老之題某方欲修辭先勤委  
贄習鄉上齒何幸陪庠序之申重席說經尚幾見賢  
能之獻

回鄉官學職啓

宋李 劉

聽六日四分之鳳律又見新陽詠五更三點之鴛行  
已迷舊夢茲勤善頌但愧過情恭惟某官語染芸香  
氣薰葭瑄登觀已望自堪織雲漢之章閉關而居亦  
足驗地雷之卦某寸材線短百念氷寒井底之陽未  
回若爲觀復江上之容獨老良感相親

回學職啓

宋李 劉



杓綱建子歷新五鳳之書魁首枕參祥應六龍之邸  
對時道長即日言揚伏惟某官心醉六經志在千里  
文史三冬之用既足三餘雲霄一握之程亟觀一躍  
天葩既茂地芥坐收其一障炭寒百餘水冷不遠之  
復願歸飲顏子之瓢論秀而升尚或勸漢人之駕

上

上贛州黃教授啓

宋戴 翼

粉社聯陰曾拜曾山之眉宇花封叨警復依闕里之  
有墻喜將趨丈席之隅烏敢緩尺牋之敬恭惟某官  
士林冠冕名閎珪璋胸中三光五嶽之渾全筆下千  
兵萬馬之馳騁冲和丰度籍甚山谷先生之清標典  
雅詞章宛然白石夫子之叢藁蚤遊校庠序之地優  
居俊選造之流謂宜濶步千蓬萊尚爾廻翔于芹泮  
瞻惟童貢之地素號文物之邦非鄭老之道出羲皇  
曷居羶席必董生之學深游夏始下經帷暫煩絳帳



之臨以慰青衿之願巍然養望不妨賦簷花夜雨之  
詩展也逢時當即播階藥春風之詠某菰蒲素習桑  
梓晚生濫叨一第之微僅慰雙親之望不耻折腰而  
作尉惟知俯首以事賢千里微蹤幸邇鄭鄉之仁庇  
一分餘潤仰祈魯泮之恩波依向有光揄揚不足

上興化許教授啓

宋方雲翼

錫命楓宸橫經莆泮曾到廣寒之尚處桂籍猶香不  
嫌獨冷而此來芹宮何幸文章增泮衿佩屬心恭惟  
某官胸著千年眼空九有山川氣正是生殊尤傑特  
之心師友功深耻為揣摩迎合之學速化若淹於驥  
足奮飛行奪于龍頭人亦有言將放京官通判之例  
公則求志僅任方國博士以歸觀甘六不卑于小官所  
以養成乎大器甫錦旋於行李俄傲報於縮瓜非天  
之欲相道歟是邦也信得師矣維甫介福泉之郡乃  
古稱鄒魯之鄉其如此年寢失舊觀群數十士而飯  
爭怒若仇列十三齋以居荒涼如驛屈衣冠而儕厮  
隸之伍化絃誦而黏墻壁之文學職祗以媚貴權月  
課反以便販鬻遂令佳士各懷鄙夷學校之心至使  
儒宮殆成斲喪人材之地歎采藻之風安在視鞠踈  
之世幾希雖輪奐之更新柰汙染之滋甚不圖海嶠



暫屈天仙固嘗改絃易轍為之何特角詞習藝而已  
喻於利必使喻於義化其習莫若化其心使昌黎之  
笑無從而孝先之嘲不作相接仁義少生羶坐之光  
素定功名即驗鳳池之夢某謝材陋識單見淺聞學  
造小成非不閑家庭之訓年幾而立依然習場屋之  
文何期沈利欲之波乃及識師儒之樣黃飯白袍亦  
識可耻縞衣綦巾豈不自娛融之徒有數百人豈敢  
儕於高第點之撰異二三子倘時聽於雅言行簡詞  
窮飯依心切

上梅源趙郡博啓

明成於思

竊武驅車得列卿于齊室疑之饑餒不辭餉于衡陽  
狐裘可衣溝壑之羞喪氣黔粥可食嗟來之痛寒心  
玉泣窮途金藏憤路閉門劉翊渾疑僵臥之袁安堅  
石歐陽總似深藏之虞叔恭惟郡博先生鍾福紫霄  
炳靈丹穴玉札飛文播清音于筆沼金籙緝義絢逸  
彩于韻樓器宇疏通師表一時之度規模弘遠折衝  
千里之猷雖云塵封范甌懸魚有結綬之榮然而雪  
映韋編宰雞屈函牛之度藝苑春花談叢秋實書俸  
秘府續前賢未墜之謀猷波起文江發往聖不傳之



緼與脫晏子之驂怡情慷慨假子相之乘雅度魁梧  
入境而風動詞林下車而波清瀚海某困頓一椽傾  
頽四壁衣編綠麥未解松遊羹啗黃糞徒滋菜色突  
煙晝斷思郭衍于衡州罄釜朝懸望子桑於晉鄙吳  
祐牧豕長安寧辭貽笑王猛荷畚衛土暫什窮愁道  
衰由路誰能負百里之糧交薄純仁烏肯棄連舟之  
麥朝饔夕殮每相兼而不相續冬裘夏葛常相悖而  
不相宜呵筆凍窓作書汗漫借光隣壁認字模糊未  
灰日暮之煙空聽更闌之漏黑貂片片難遮病骨之  
疑寒惡草草不療枯腸之宿餒彤雲嶺雪茲客路  
之蕭條破壁危樓度衡門之凄慘白鷗晝啼玄猿夜  
哭仲淹可法甕中糞水難調元亮可追瓶裏稻梁未  
罄窺淵明之甑擔石何存探子美之囊一錢未貯豐  
盈且不給况災傷而累歲乎少壯且不支况衰齡而  
病發也乃致杖藜開徑空守待兔之株撒屋供炊徒  
結羨魚之網豈惟蹈無財之貧抑亦抱不能之病阮  
生竹林繞徑不羨隣薪原憲匡坐絃歌徒慚駟馬矧  
今聖德廣被隙地霑恩天使親臨枯條共奮奉揚德  
意大開廣濟之倉抗節東巡無煩矯制之詔解殊方  
垂斃之困阨萬姓騰歡賑累歲未起之瘡痍百司踴



躍柰何山遙路眇未能叫徹帝閣簾達堂高安望上  
通天聽日月之照臨有涯雨露之涵濡獨斬卒使盛  
憂積濃陰之雪寒涯涓滴水之波某江湖浪跡虛留  
編隸之圖臃腫匪材久削鬢宮之籍頒閭閻之粟則  
不隸於屬氓敷庠序之恩則不齒於士類縱欲希泰  
岱之坏丸向誰稱貸望滄江之升斗誰爲先容况乎  
禁門清肅瞻顏色而心驚官制尊崇望宮墻而膽喪  
勢旣隔于星泥風期有限分已昭于貴賤造請無緣  
倘沐垂青特賜轉達台司敷破格之恩出諸鼎鑊草  
茅挾煦然之纒再什嬰羅波流涸轍豈徒升斗之涵  
濡尤繞霜林未嘗寸陰之披拂未報楊金敢忘魏草



通

通徐教授啓

交代

宋李廷忠

招諸生而來前徒勞駕說賴君子之在後繼作主盟  
 將拂開吾道之光庶祛去昔時之陋緘魚有請秣馬  
 無留恭惟某官奮藻含章佩衡帶矩太史公宜其有  
 子能傳金匱之書杜陵人自足名家不負草堂之句  
 再舉皆為魁士一第徒以涵公少年會縮於銀黃能  
 事乃落於朱墨思得英才而教育要知師道之尊嚴  
 矧是濡須素多俊傑龍虎榜頭之妙選貂蟬門裏之  
 貴游壯觀鄉邦權輿學校在昔時傳道而授業或重



唐書卷之四 卷九十五  
來握節而剖符正恐遺風之寂寥又得名流而振起  
斯文未墜爲木鐸非天乎所學旣行上玉堂有日矣  
某離竒多難拓落一官讀書老矣而無聞學問又焉  
而不講苔荒茅屋蚤欲賦于歸來瓜戍葵丘幸及時  
而受代聞公子之名已舊告令尹之政必新深愧拙  
踈正祈全護一門自爲師友必有異聞百世以示子  
孫勿忘永好

通楊教授啓

交代

宋李廷忠

長松小草臭味本同去馬來牛步趨難及強理詩書  
之故習猥承庠序之遺規恭惟某官以天覺而先斯  
民由鄉秀而升之學澤宮獻藝應泰階兩比之符文  
陛策勲亞北斗四魁之列在儒紳無出其右宜帝席  
亟爲之前獨愛官曹之清中有名教之樂周情孔思  
從容經腹之便曾詠齊吟傾倒詩頤之解斯文增煥  
於道彌尊籍籍有聞行行莫禦且負此青雲之器孰  
不竒之縱盛之白玉之堂特其小耳某動輒遇坎居  
然面墻屈指同登九萬里扶搖直上顧影自弔二十  
年憂患叢中筆研塵埃心形灰稿稚慕先春之德來  
追半水之游獨冷奚堪告新是望謫仙遇四明之傑  
期尊酒以交歡鄙儒爲五經之師視良模而有愧



通王教授啓 交代

宋方岳

鱸集吉祥少駐木天之軌鯉烹得信言脂樵水之車  
 安能有式于大夫國人獨喜受教于先生長者敬哉  
 短訥往贄崇嚴恭惟某官義獻家風時郊世譜舉幡  
 而閑空舍主士者之齊盟措笏而誦阿房為詞人之  
 獨步意其傑出必也怒飛曾謂廣寒之仙不嫌獨冷  
 之職以采藻采芹之樂地寓刈萋刈楚之盛心閱歷  
 眼高友其邦士之仁者作成意濶得夫英才而育之  
 絃誦之最冠于甌閩衿佩之盛侔於鄒魯厥今上崇  
 文治相用耆儒凡一時清望之官多六節知名之士  
 况後學仰之如北斗宜諸公推之于青雲滴露研朱  
 暫了燈窓之課凌青遡紫穩為渠觀之遊添成美談  
 突過近比某少孤多難未老先衰方為舉子時通國  
 吠宗元之雪及對大廷後夫人笑劉蕡之風自合為  
 收聲息影之圖乃輒居召闈取謗之地姑祿仕耳如  
 教法何念童年及從諸老遊而執事乃我丈人行何  
 止踵芳規之遺後尚將徼大惠以居中冒然以前恃  
 此無忍慕金莖之高趣柰驅於貧聞輔嗣之微言倘  
 醫我俗其為依嚮莫究揆裁

通長沙陳教授啓 交代

宋王邁



須綽宸庭橫經侯泮師儒重寄豈宜妄男子之代庖  
衿佩同時所願行秘書之趣駕擊節為學校賀馳書  
以姓名聞恭惟某官瑞應德星之躔氣鍾縉雲之秀  
摘髭魏第早已快冲天之一飛掉臂詞場又不妨賦  
日之五色每篝燈于精舍暗合轍于聖賢士如衆蟻  
之慕羶皇皇人爵公若飛鴻之避弋落落權門不然  
胡以蓬萊道山之英而乃其於芹藻泮水之樂惟長  
沙為大都會在諸老有舊典刑遠而濂溪安定之燈  
煌煌不絕近則考亭南軒之印遞遞相傳必得大賢  
庶還舊觀丹砂九轉而蘇廢疾風斤一運而無棄才  
此執事之優為不旬日而頓效但明光制草正有需  
大手筆之來恐中道鋒車寧不誤諸父兄之喜有如  
某者見謂斐然來依蓮池苟營菽水比誤蒙于州檄  
俾暫攝于儒宮方將有親炙之榮敢僭叙交承之好  
折梅逢驛使之便謾送好音采藻從多士之遊願分  
清味

通教授啓

宋李廷忠

宣州藩翰之賓賢孰加於郡博武城絃歌之宰笑寧  
免於聖門久矣嚮慕於遐風榮哉會遇於晚節敢持  
尺素少抒寸丹恭惟某官茹古涵今滂仁曠義神士



朗出于天外仰才望之獨高仙官下取于人間知文  
篇之甚富蚤射君門之策亟彰仕路之纓信然龍鳳  
署之師儒異乎鳧鷖行之俗吏對吳岫楚山之競秀  
覺周情孔思之愈深洪鍾一鳴青佩咸集坐堂闡教  
正喜康公之詩鼎來當宁急賢豈容鄭老之賦歸去  
即辭半水競踐八轡其名已塵埃學真土梗嚮也呻  
其估畢徒爲吾道之羞今焉使之操刀殆匪斯民之  
幸况政不綱之已久且室如罄之可憂或大府責以  
小文賴上客爲之曲庇潔已以進好音是懷雖敲朴  
誼囂其敢廢松林之吟誦而馥膏沾勺尚得從芹泮  
之遨遊喜動於中言宜莫旣

通巖州鄭教授啓

宋呂祖謙

宦牒推移闕然覲德郡庠誦說幸矣親仁敢憑竿牘  
之傳先效門闌之敬竊以營道同術之謂友聯事合  
治之謂僚惟此兩端難乎共貫樽罍嘯詠每多離合  
之嗟几案鞭笞豈復漸摩之暇至若有編簡討論之  
益無簿書期會之煩允謂難并厥惟至願恭惟某官  
閔材英發興學精微心進游夏之淵源筆談卿雲之  
黼黻詞林藝圃擷百氏之菁華雋軌英躔冠諸儒之  
領袖小淹泮水行踐石渠及召駟之未驅尚均茵之



少遂其甫茲捧檄行即升階渴聞教載之餘滌去顛  
蒙之蔽坐縻廩稍預懷駢拇枝指之慚日接官曹將  
丐補剿息黥之賜

通潭州劉教授啓

宋李 劉

祭孫寶之竈既竭吾才倚仲尼之墻此非子坐懷哉  
解去賢者鼎來是雖期會之偶然強曰交承亦可也  
恭惟某官學有源本行無瑕疵自題千佛之姓名宜  
展三神之步武居官能大何嫌枳棘之棲匪我求蒙  
思樂藻芹之采繁繁潭府榮榮楚材人非生知之其  
必由學教亦多術矣先致其知道本諸身士速哉肖  
舞雩沂水共觀夫子之循循發朝天津卽繼諸公之  
袞袞其強顏越俎矯首望塵佩有若之環此難久假  
叱王尊之馭所冀疾驅

通武岡陳教授啓

宋李 劉

造託湘流疑已就碧油之幕延綠巫水乃聞還絳帳  
之紗愧執訊之已稽蓋通名而告至恭惟某官學探  
千載文擅一家聲摩殿前皆三誦阿房之賦禮羅幙  
下顧載歌泮水之詩茲聞交章行卽陞覲紫皇好學  
正爾恢天網之收黃閣招賢會亟勸露門之講州縣  
徒勞人耳將相寧有種乎某垂老無聞甚愚不肖向



者誨諸生于館下要是牛溲茲焉試別駕之治中亦  
非驥足不曰丞哉之余負亦惟善者之吾師倘諧半  
面之期亦勝交臂之失監州無蟹恐非直杯水之官  
廣文有羶幸或作數旬之客

與

與葉教授啓


宋王邁

正坐橫經公方見士于芹泮低頭入幕僕來依人之  
蓮池均是一第十年偃蹇不遇之人又非四海九州  
科第偶同之比何幸聯事而得論心恭惟某官文爛  
昭回氣融沆瀣口銜清議風六館之諸生心貫遺經  
束五傳于高閣人誦金薤琳琅之作家有玉杯蕃露  
之書固嘗一鈞以連鰲見謂三年之走馬及丹墀之  
射策出素學以輸忠菑川以淵源稱人擬爲在庭之  
首劉蕢以春秋對時忌其空臆之言旣而以師儒之



尊屈而司筦庫之職豈日有三升醞之可戀不屑居  
卑雖筆扛百斛鼎而有餘亦其小用歸至翹材之館  
下駭觀葉寶于道傍惟神京學校之崇在天子辟雍  
之側天下攀鱗附翼之士多游其間年來凌清遡紫  
之班皆由此選必得哲匠以幸生徒興起斯文授韓  
歐單傳之印發明粹學續周程已遠之燈多士填然  
附之先生自此升矣惟是世途隘甚人物眇然嚮焉  
紛嘉橘之栽今多成枳甚者悔芳蘭之佩其化爲茅  
正賴偉人力扶世道衮衮臺閣之上即展經綸班班  
方冊之間好看名節伏念某朱愚自信白朴無華少  
也勃平負元龍湖海之氣今其老矣倦司馬山川之  
遊頂年綠水之徘徊一旦白雲之悽愴三釜絕望百  
憂熏心使其有田之可耕粗足以飽亦當誓墓而不  
出了無所求爲貧所驅幸戍之及官旣無譜樣不入  
時若何免司敗誅所恃有師儒在短才有限豈堪飄  
風草檄之忙暇日從遊共和細雨簷花之句此心所  
嚮與筆俱馳





請宴

請周郇野學博宴啓

明瞿九思

左馬雄文高領平陽之望唐虞舊闕豈揚上國之光  
何幸邾黃得瞻藻繡詎少歡孚道路何多思起青莪  
不兩年而車上南宮坐見瓊林得意遂一日而名轟  
北門立看旄死遭時回視梅山肯忘漢不道馬帳清  
齋之大備又龍門彤管之初間潔治一樽敬聽淵源  
之教請除三徑冀煩軒駕之臨况未遠中秋敢端迎  
上客祗陳謁者拱俟車音

請本學正堂吳公啓

明余鍾英



士風未振雖才賢阻勸駕之難儒效又虛愧黥淺乏  
提衡之素所望大賢善誘庶幾後進得師恭惟某官  
名重三吳學宗四聖發文章要領言言闡震澤真傳  
立學校規程事事紹蘇湖正印豈惟章縫下士快覩  
其儀刑亦使僚家具員樂觀其丰采最喜神情之相  
契久慚酬酢之未能敢屈昌辰覲親道範臯比暫徹  
清芬臨几席生香義教儼臨爽籟與絃歌並響早祈  
賁止大慰師瞻

請本學正堂吳公啓

謝獎

明余鍾英

謝微樸學三年久玷於鱣堂闕肆鉅儒一旦屈臨於

槐市獲奉鑪錘之教幸叨獎藉之榮恭惟其官篤生  
文正之鄉克紹言游之學文章造士為卿為相總屬  
其範模規矩淑人希聖希賢盡遵其指示名可名道  
可道惟大賢昭示以前規步亦步趨亦趨致末學得  
收乎後效鴻恩莫報雀喜實深謹當沈李之期恪具  
羞桃之會覲聆雅誨霏霏玉雪飛來祇迓台車燦燦  
彩霞戾止有懷傾注無斁崇瞻惟願



涉雲吳也百對則若無輝崇謝  
蓋泚之會賦領部有罪罪王聖飛來少登台重刻糾  
外平受效謝恩莫辨雀喜實氣難當或李生之既器具  
何道卦大資部示以備賦志亦悲賦亦賦交者學景  
其彈賦賦賦入希聖希賢盡數其計示各下各道  
文五之泚京臨言執之學文章士為賦為賦賦  
林市藝奉獻賦之楚幸四樂辭之榮恭對其官說生

謝

謝顏教授啓 發舉

宋方雲翼

鄉邦校藝屢先餘子之鳴胄監策勳遂玷主司之選  
衆咸稱於具眼私倍切於銘心竊以庠序科目之制  
既殊教養選用之方亦異家自為學人無常師季有  
攷月有書殆匪進身之路言以庸異以舉多非肄業  
之流故豪傑俯視學校而不來惟踈庸幸有場屋之  
可覲若夫印可幸蒙於大匠明揚不出于若人真為  
鄉曲之美談非講師生之私謝伏念某全昧世事粗  
有天姿少也誦書見稱孺子之可教長而能賦深疑



壯夫之不為逮研窮理義之味深覺馳騁科名之事  
淺欲絕意于利樂且用力乎聖賢念大父以經學登  
考亭之堂中歲已恬于進取家君以詞賦為莆中之  
望衰年未免于奇窮詩書之緒轉寒戶門之檐至重  
勉追時好終愧初心茲逢賓詔之來群集都城之下  
以緼袍之極陋與純袴以爭先方懷鼓瑟之疑忽有  
得盧之喜齊飛並駕人推兩陸之弟兄前引後從世  
擬三蘇之父子為榮多矣是孰使之茲蓋伏遇某官  
太學流名聖門嫡派以負荷斯文為己任以汲引後  
進為盛心粵從贅見之初即辱賞音之重猶記告別  
特塵贈言謂作文不必求奇莫先平易謂得名最患  
太早當自矜持使非先生長者之曲成之得門人小  
子之有造某敢不少圖寸進仰答已知得進士歸未  
足報相期之意到聖人處儘可為不朽之恩

謝張學諭啓

宋王邁

吟墻竹之公事自分龔水聞泮林之好音還成技癢  
亟裁四六就謝萬分恭惟某官氣韵淑均風猷膚敏  
尋西塞桃花之鱖豈其河鯉之逢思東吳蓴菜之鱸  
行矣溟鯤之化無厭俗情之傲贅即觀鄉賦之按尤  
某聊爾治中奚勞賀上膺何如昔已無可取之楷模



籍也抱能尚可相從于閭里

謝永州鄭學諭啓

宋李劉

一聽履聲已喜似人之見載披手筆更欽博我之文  
得非所蒙願竊有復恭惟其官學探聖瀆秀出愚溪  
窮司農之經諒皆殫洽客廣文之舍大似淹回佇即  
摘髭亟其奮翼其不能教胃有負轉丞倘簿書獄訟  
之餘其交以道則道德性命之理當誦所聞

謝陳廣文送硯啓

明連繼芳

夢吟鳳味之銘忽拜馬肝之石傳爲世寶擅四絕於  
人間延之文房益三友於坐側委地合塵土衆欲俟  
之有緣依人伍瓊瑤我得豈爲無意來玉女之睥睨  
托金爵於岿堯影動龍蛇之飛任向毛生作侶視開  
鷓鴣之眼却教陶氏如兄綵翰錦鮮皎皎穿雲之月  
玉蜃光淨團團弄水之荷含爲觀德之資是得養生  
之道夜際神先於天地老磨忠義之文章



回答

回沈教授啓

宋劉克莊

牛駕出關又慕周柱史之去鱣堂開卷不知漢博士  
 之來曾執贄之未遑辱顧廬之甚寵恭惟某官今之  
 巨擘古之譽髦心鄙雕蟲之文世守感麟之筆仲尼  
 既沒昭垂袞斧于策書介甫何為詆曰斷爛之朝報  
 絕學傳東周之耆哲微言接西洛之大儒誕啓孫枝  
 相輝奕葉推三傳束閣上之久深探遺經當諸生立  
 館下之初願聞精論避席而請堵墻以觀必有以新  
 陸啖訓詁之陳言掃舒弘科舉之陋習豈惟逢掖共



尊明復之書將見細旃亦讀康侯之傳某少纔涉獵  
晚益惰荒禁漏宮蓮往事類優場之散長鋤短笠暮  
年為老圃之歸屬逢開絳帳之時恨不在青衿之列  
朋遠來學時習良愜素心我不往子嗣音寧忘私淑

回鄉友陳教授啓

宋王邁

鄉國有善士久矣定交瀟湘逢故人喜而欲舞謂必  
相孚於忘言之表胡為從事於不情之恭豈技癢之  
使然抑勞謙之太甚恭惟某官筆下無一點俗胸中  
有萬卷書飽司馬山川之游見稱名勝負元龍湖海  
之氣貌視公侯孺子皆已成名皇天豈無老眼少安  
毋躁大器晚成諒當燕居磅礴之時正養臚唱魏我  
之望五十當富貴豈久淹馬九萬搏扶搖可坐致耳  
某拙於初筮巧矣相逢方將遣豚人以就師更欲持  
魯魚而質惑不敢延於特榻姑自附於寶隣陳乎夫  
豈長貧未為弗遇王衍不言阿堵只可清談

回吳教授啓

宋戴翼

疏榮芝檢典教芹宮學道愛人雖嘗佩聖門之教以  
經飾吏今幸依師匠之模帝遣公來天為僕設恭惟  
某官治聲第一經術少雙以心傳曾子之心所學得  
顏氏之學題千佛經而蚤馳雋軌作三語掾而蔚有



休稱方種德以欽刑又助君而明教蓋張南浦之風  
猷如在而周濂溪之衣鉢尚存暫借文衡上續道脉  
小子皆有造樂依鑪錘之功先生自此升大作棟梁  
之用不待煖席信見予蒙某朴矣無庸冒焉學製從  
事俎豆而困於軍旅勞心保障而加之繭絲嗟哉驢  
技之已窮幸甚鱣堂之依邇全資甄就庶獲璧全一  
卷之書必立師願安承教十室之邑使為宰或可圖  
終頌詠之私編摩罔既

回建寧鄭教授啓

宋方岳

逆鱗罪大分一壑以歸耕駕社命優奉六條而問俗

獨兼掌於學事差足齒於清遊有來情文益重感愧  
恭惟某官學見大體文擅衆長規姚姒逮莊騷未展  
國子先生之蘊出義黃過屈宋顧淹廣文獨冷之官  
師嚴道尊教行習美佇俟三鱣之集即看丹鳳之頒  
某久矣閉關忽焉乘傳笑埋輪之無力何衣錦之足  
榮與鄭老同襟期雖莫侍簪花之酌過子雲問奇字  
尚及觀玄草之成略叙謝私伏祁孚炳

回張學正啓

宋方岳

與滁人遊瑣瑣愧一經之陋有賢者在琅琅記三篋  
之遺蔚然秀峰得此益友伏惟某官秉家傳於黃石



換仙骨於赤松兩上鄉書每為子大夫之首幾年侯  
泮久傾衆朋友之心惟領袖之非難必紀綱之自肅  
子帥以正何嫌乎同隊之魚人得而輕則必有敗群  
之馬欲覘所學奚止於文願言淡墨之題式快飛黃  
之迅某官知其拙見謂之迂寇者五六人造共詩書  
之樂山行六七里喜聞翰墨之香不頌而規乃予望

回徐學正啓

宋方岳

思樂采芹訪醉亭之遺墨相從汗竹有虛榻之老儒  
竊喜多聞敢問奇字恭惟某官深蔚瑯琊之秀鏗鏘  
璆玉之聲直將軍而不侯信文章之無據妄校尉而  
得雋豈遭遇之有時第觀雙鯉魚之書深識孤鳳凰  
之瑞知吾心不可為功名累謂此學未易以言語求  
所見略同起敬無教屈陪後進正賴老成人之典刑  
翹跂前修勿慙古君子之操履某奚師之敢匪友莫  
交費此公餘恐已孤門外之尺雪談到聖處當昏晤  
席間之丈函遐想金相庶幾玉我

回泰州顧教授啓

宋人

恭審整擢吳溪問途淮浦姓名焜耀風高當世之儒  
先冠劍尊嚴來作諸侯之師氏披雲有便指日以須  
伏惟某官淵源六經斧藻群士上林長揚之賦傳誦



名集卷之九十一  
四方昌黎河東之文步趨千載加以器度寬雅襟懷  
坦夷典刑及於老成行義信於朋友太學六館喜何  
蕃之成功博士諸生望平津之驟貴胡一官之尚冷  
方千里之遠遊東序絃歌雖樂橫經之多暇西清顧  
問終期飛詔之九遷某越嶠寒生虞庠後學剽聞餘  
韻沾被殘膏悵遐迹之相參望庭除而不遠若無松  
竹可留客以對哦惟詠藻芹得從公而共樂

回李學諭啓

宋鄭厚

吾子少而好賦早已升堂獨學陋而寡聞不量掌泮  
忽景星之快覩承明月之暗投不鄙而來適諧所願  
恭惟其官纒汲文派穎脫塵編諒應矯矯以弗汚故  
多落落而難合旨趣甚遠要追作者之風步驟不凡  
肯墮諸人之後未離豹隱猶混雞羣尚歛挹其有餘  
將琢磨而求益買臣行膺富貴當可之時相如足比  
風騷豈終於困某已疲織組聊寄筌蹄凡少年涉獵  
之爲皆大道穿鑿之病方期取正於韓襲和於李豈  
徒折艷於屈董香於班斐然而成復之有愧謹毋足  
學恐成刻鵠之非歸有餘師當悟飛鳶之樂

回陳教授啓

宋李廷忠

剖漢竹以臨邊慚非良牧采曾芹而在泮喜得明師



匪特諸生之榮抑為吾府之重恭惟其官高韻朗出  
清才夙成所學伯仲乎軻雄有文奴隸於屈宋東州  
勸駕蚤陪十八士之游南省奏科魏占一二人之列  
固知其功名屬少俊聊復以詩書教遠氓好持玉振  
之音入侍金華之講其謬當共理允籍多聞不厭寒  
氈肯作諸侯之客有來妙翰絕勝從事之賢徒切感  
藏罔殫敷叙

回學職啓時赴旌德令

宋李廷忠

量林授官為薛大夫而奚可入境問俗知衛君子之  
實多且虞錦製之傷特枉瑰辭之問恭惟其官文苑  
範模儒流表帥讀六藝以探周孔孰知旨趣之深宗  
百代而躡王劉自得語言之妙席珍既富拾芥何難  
看賢書登大比之年有仙籍照廣寒之月某謬傳縣  
譜強主文盟倥偬下車敢未遑庠序之教從容入閣  
期相與仁義之言作報甚踈有懷莫旣

回學職啓時赴無為教官

宋李廷忠

濫司名教師不範而甚慚樂得英才坐無氈而何歎  
相與切磋於道義庶逃曠敗於簡書惠問先之高懷  
異甚蓋曾諸儒家自為學而漢五經世不乏人其為  
獨冷之遊正籍多聞之益解疑辯惑倘可就而正焉



掩垢匿瑕豈有笑於列者佇借覲面悉究謝懷冗不  
果詳亮之則幸

回衆學職啓

宋人

濯太白之水壺知臥月花之影磨文饒之璞玉願聞  
水薤之規辱委贄之寵先愧識賢之緩後恭惟某官  
炳靈世載文獻老成蚤聞高軒過之吟羅胸有耀詎  
意古戰場之讀過眼還迷是宜不見於諸候猶辱觀  
過於吾黨九萬里風斯下願培鵬路之程三千字白  
未斜即對龍墀之影其茲蒙投璧始悟遺珠有司以  
公不以情且相同於采藻於我無德亦無怨願更草  
於凌雲

回潘教授啓

縣佐  
轉教

宋趙南塘

花萼集中昔兩容於投分藻芹宮裏今復許於同寅  
顧幸會之何多祗欣榮之惟倍恭惟某官書禮挺生  
於玉質儒林獨秀於金華奕世簪纓已慶流芳之遠  
對床筆硯更歆擢桂之香旣爲申綵棒之威尚肯淑  
青衿之子蓋雙湖地近接辟雍之海流而半水教成  
招諸生而晨入毋嫌官冷未必席溫某猥以散材贅  
茲游倅題陳仲舉車中應記於姓名隨鄭廣文座上  
願承於規誨所塵者略其望實繁



回王教授謝薦啓

宋李 劉

八公同辰推薦賢之較一第涵子寒坐客之羶輒用  
名聞何勤私謝恭惟某官學省佳士詞場雋人何蕃  
貌不任其心而行焯焯仲舒言有補於世其對洋洋  
鶚既集於泮林鳳黨臬於阿閣平昌足信况有李翱  
之言翁歸不私何害山陽之託吾徒得君重耳子亦  
來見我乎某過辱臨存更勤賁貺扈茸泉之八十一  
乘殊愧所蒙登凌煙者一十四人更期自勉

回白教授謝薦啓

宋李 劉

下車聞庠序之教亟欲引賢傾閱恨銓選之文甫能  
剡奏是亦公舉何費屬辭恭惟某官行無疵瑕學有  
源委繫堂下之馬安能鬱鬱以父居釣海上之鼈行  
卽飄飄而高舉聊助鼓旗之品尚勤珠璧之投某愛  
莫助之顏之厚矣引鼎不程其方聊復露章推轂有  
味其言更其強學

回白教授謝薦啓

宋李 劉

舉爾所知期不辱賢材之實與我共理亦惟賴庠序  
之申何勤謙撝更加異謝恭惟某官器能敷敏學問  
純明問一得三子職早深於學禮喝五作六甲科共  
僕於爲郎茲暫憇於冷齋合亟膺於溫綍某愛莫之



啓集卷四 卷九十五  
助情見乎辭繫馬堦前切勿羨諸公之袞袞銜鯉堂  
上正須效夫子之循循

答李學博啓

明萬士安

衰年伏枕清晨猶未梳頭上客迴車白首遂遲倒屣  
亟自掃求羊之徑奈翁登李郭之舟無分攀龍有緣  
題鳳雖筋力既憊常屏跡於他人而意氣相孚願執  
鞭於高士空陳雞黍結思依依實切鸞膠虛懷耿耿  
恭惟其官齒德並茂親義兼隆鄉里推賢衆仰斗山  
之望世家積行人歸月旦之評筆落如蠅見精神之  
溢出心堅匪石誓要盟以不移乃置身列於丈夫顧  
傾懷係于小子久韜銜刃歎文人之數奇一割鉛刀  
笑俗士之天幸然福不可以屢致而屈則必有大伸



在公當潛龍待用之乾在我蹈鼯鼠多貪之晉羨李  
將軍門第之盛麟趾振振愧萬石君孝謹之衰豚兒  
蠢蠢縱有司一時收錄柰文場百戰空踈餘盡頑愚  
皆難比數豈若高門驥種悉爲華國駿材故小器易  
盈生每虞其顛覆而及躩斯奮公會見其飛揚試觀  
懷瑾握瑜之竒大是光前裕後之具若徵左券如探  
中囊蓋天意還歸李家而人情咸嚮舊族理固然耳  
說非誣也幼子乳臭濫接書香向屈嘉賓恐經暑雨  
行將卜日擬待涼秋伏蒙記存敬茲回覆

復魯州博啓

明劉東星

伏審撤圍蘭省振鐸桂庠猶聞天韻之旁流更溫墨  
華之餘潤豈緣舊好遽激冲懷抒軍室之敷言吐文  
園之新藻嗟榮林朽藉照壁空謬推口口丁歐公過  
擬私門于狄相聿慚翰示益愧幣交匪篤舊之爲多  
實爲謙之是懼頭塵未解猶貽阻于衡雲片楮難通  
尚闕承于臯比敬因來使附候台居感激之私不能  
縷喻

回張廣文賀給由啓

明俞昌明

恭諗轂日弘才櫛星遠品學宗濂洛上尋洙泗孔顏  
教本蘇湖下育河汾房杜峻儀刑而端士習堪誇今



日昌黎嚴程課以挽文趨爭道當年永叔春風披絳  
帳且羅馬博士之生徒夜雨滴青燈不作鄭廣文之  
吟詠盤飭惟餘首藉已苦志於蘊鹽門墻剩有著我  
更殫精於藻鑑佇看鷄薦快覩鱸飛某秘圃倉庚仕  
途欵段猥承人之獲親炙於講堂薄奏吏庸致相違  
於道範此特簿書彙例何當翰貺寵臨謹拜二儀曷  
勝九頓附函鳴謝翹首主臣

問



